

1. Nontzeberri.com kultura webguneak Nontzefilm I. Film Laburren Lehiaketa **on-line** jarri du martxan Bilboko Zinema Fantastikoaren Jaialdiaren (FANT) laguntzaz.

2. Nahi duenak parte har dezake lehiaketan, jaioterri eta bizilekua direnak direla, eta nahi adina lan aurkez daitezke. Parte hartzea **doakoa** da.

3. Lanak honako formatu hauetan aurkez daitezke: **.mov, .mpeg, .avi, .asf**, edo **.wmv**. Artxiboak **3.5 Mb** eta **3 minutuko iraupena** izan dezake gehienez ere. Bestalde, filmaren irudi adierazgarri bat ere bidali behar duzu .jpg artxibo batean (**70 x 50 pixel**).

4. Gaia librea izango da, baina lan guztiak originalak izan behar dira eta, lehiatzeko, 2004ko urtarrilaren 1etik aurrera egindakoak.

5. Lanak jasotzeko epea 2005eko martxoaren 11n amaituko da. Dena den, on-line lehiaketa denez, antolatzaileek izugarri eskertuko dute lanak lehenbailehen bidaltzea, jaso orduko nontzefilm.com-en jartzeko internauten gozagarri.

6. Zure filma aukeratua bada FANTen erakusteko, haren kopia bat bidali beharko diguzu erresoluzio altuan. Ondo legoke, bada, aldez aurretik prest izatea. Zure filma aukeratua bada, posta elektronikoaren bidez jakinaraziko dizugu.

7. Aukeraketa Batzorde batek hainbat film aukeratuko ditu eta FANT 2005 Bilboko Zinema Fantastikoaren jaialdian pantailaratuko dira.

8. Lehiaketak honako sari hauek banatuko ditu:

Nontzefilm Saria film onenari 2000 euro

Bigarren Saria 1.500 euro

Ikusleen Saria 900 euro

Euskal Herriko film onena 900 euro

9. Epaimahaiak saritutako lanei sari bakarria emango zaie. Ikusleen Sariari dagokionez, epaimahaikideek hautaketa bat egingo dute lan onenen artean internautek bozka dezaten. Botazioan iruzurrik izango balitz, hura bertan behera utzi eta saria epaimahaikideek erabakiko lukete. Internautek eta epaimahaiak emandakoak lan berari badagozkio, berriz, lan horri sari bi emango zaizkio.

10. Sarietako edozein gerta daiteke eman gabe gelditzea, epaimahaikideen iritziz aurkeztutako lanek behar adinako mailarik ez baldin badute.

11. Parte hartzeak esan nahi du egileak aitortzen duela lizentzia, copyright, irudi-eskubide, soinu, tipografia, software eta erabilitako edozein tresnaren jabea dela. Parte hartzeak, baita ere, esan gura du egileak aitortzen duela bidalitako lanaren eta haren edukiaren arduraduna dela. Nontzeberri.com-ek ez FANTek oinarri hau ez betetzearren sor litezkeen erantzukizunik ez dute bere gain hartuko.

12. Egilea da aurkeztutako lanen jabea. Dena den, parte hartze hutsagatik, egileak filmen komunikazio publiko, erreproduzio eta zabalkunderako eskubideak uzten dizkie Nontzeberri.com eta FANT jaialdiari hurrengo lehiaketaren deialdia zabaldu arte. Halere, eskubideok luzatuko dira egileak berak ez badu aipatutako klausula bertan behera uzten. Denbora horretan Nontzeberri.com-ek filmak erabili ahal izango ditu erakusteko on-line eta off-line. Bestalde, irabazleek eta FANTek aukeratutakoek aipatu eskubideak uzten dizkiote betiko Nontzeberri.

13. Izen-ematea on-line egingo da, beren-beregi sortutako izen-emate orriaren bitartez. Izena emateko derrigorrezkoa da helbide elektronikoa bat izatea, Nontzeberri.com-ekin harremanetan egon ahal izateko. Izen-emate orrian egilearen izen-abizenak, hiria, herria, helbide elektronikoa, webgunearen helbidea (webgune propioa izanez gero), telefono-zenbakia, filmaren titulua, formatua, iraupena, lanaren irudi adierazgarri bat **.jpg artxibo batean (70 x 50 pixel)** eta haren laburpen txiki bat (50 hitz gehienez ere, euskaraz edo gazteleraz) sartuko dira. Bidaltzeko arazorik izanez gero edo, besterik gabe, zure lana sarean ikusten ez baduzu, jarri harremanetan gurekin nontzefilm@nontzefilm.com helbidean.

14. Aurkezten diren lanak aukeraketa batzorde batek aurreikusiko ditu. Batzordeak bere gain hartzen du zeintzuk lanek parte hartuko duten eta zeintzuk ez erabakitzeke ahalmena.

15. Epaimahaia antolatzaileek aukeraturiko ikus-entzunezko arloko hiru adituk osatuko dute eta bere zeregina lan guztiak ikusi ondoren sariak erabakitzea izango da. Bestalde, ikus-zuzendutako bozkatzeko eta lan bat saritzeko aukera izango dute.

16. Sariak FANT 2005ean jakinarazi eta banatuko dira. Irabazleen berri emango da webgunean, FANT 2005 amaitu eta berehala.

18. Epaimahaiaren erabakiak behin betikoak eta aldaezinak izango dira.

19. Nontzeberri.com-ek eta FANTek ez dute inongo erantzukizunik hartzen lanek jasan ditzaketan kalteengatik. Hala ere, lanak babesteko bere eskuetan diren neurri guztiak hartuko dituzte.

20. Lehiaketan parte hartzeak esan gura du egileak oinarriok onartzen dituela.

NONTZEBERRI

Suspergintza Elkartea

Simon Bolivar kalea 8 B 48010 BILBO – Tel. +34 94 402 90 92 – nontzefilm@nontzefilm.com